




ՀԱՂՈՐԴԱԳՐՈՒԹՅՈՒՆ

Սույն թվականի մայիսի 12—16 օրերին Հայոց Հայրապետի հրավերով Մայր Աթոռ ժամանեց Համայն Վրաստանի նորընտիր Պատրիարք-կաթողիկոս, Նորին Սրբություն Իլիա Երկրորդը:

Նորին Սրբությանն ընկերակցում էին Սուխումիի և Աբխազիայի առաջնորդ տ. Նիկոլայ եպիսկոպոս Մախարաձեն, Սցխեթայի հոգևոր ճեմարանի տեսուչ Գուրամ ավագ քահանա Ծալամբերիձեն, ս. Նունե վանքի վանահայր տ. Գավրիլ Չոչոշվիլին և Քութաիսիի ս. Գևորգ եկեղեցու քահանա տ. Ալեքսանդր Կատամաձեն:

Մայիսի 12-ին, ուրբաթ օրը, ժամը 16-ին, Երևանի հարավային օդանավակայանում Հայոց Հայրապետը, շրջապատված Մայր Աթոռի սրբազան եպիսկոպոսներով, ողջունեց և բարի գալուստ մաղթեց Իլիա Բ Պատրիարք-կաթողիկոսին:

Հանուն Հայաստանի կառավարության հարգելի Հյուրի և նրա ջբխմբի անդամների ժամանումը Երևան ողջունեց Հայկ. ՍՍՀ Միմիստրների խորհրդին առընթեր հայ եկեղեցու գործերի խորհրդի նախագահի տեղակալ Անդրանիկ Հասրաթյանը և բարի գալուստ մաղթեց նրանց:

Ս. Էջմիածնում երկու Հայրապետները «Հրաշափառ»-ով և եկեղեցական թափորով մուտք գործեցին Մայր տաճար:

Եկեղեցական արարողությունից հետո Հայոց Հայրապետը եղբայրական ջերմ սիրով և ուրախությամբ ողջունեց վրաց օրթոդոքս եկեղեցու Գահակալի ժամանումը Մայր Աթոռ ս. Էջմիածին:

Ծնորհակալության ու ողջույնի ջերմ խոսքով հանդես եկավ Նորին Սրբություն Իլիա Բ Պատրիարք-կաթողիկոսը:

Մայիսի 13-ին, շաբաթ օրը, ժամը 10-ին, Մայր Աթոռի հյուրերը, Հայոց Հայրապետի ընկերակցությամբ, Երևանում այցելեցին ս. Մեսրոպ Մաշտոցի անվան Մատենադարան և ապա ս. Մեսրոպի շիրիմ Օջականի եկեղեցում:



Նույն օրը, ժամը 19-ին, Մայր տաճարում երկու Հայրապետները ներկա եղան երեկոյան հանդիսավոր ժամերգությանը:

Մայիսի 14-ին, կիրակի օրը, Հոգեգալության տոնի առիթով, Վեհափառ Հայրապետը ս. պատարագ մատուցեց Մայր տաճարում և կատարեց երկու արեղաների ձեռնադրություն, որից հետո ողջունեց ներկայությունը Համայն Վրաստանի Պատրիարք-կաթողիկոս Իլիա Երկրորդի և նրա շրախմբի անդամներին:

Ի պատասխան Վեհափառ Հայրապետի ողջունի խոսքի, հանդես եկավ Մայր Աթոռի բարձրաշնորհ Հյուրը և Մայր Աթոռի միաբանությանը, հավատացյալներին ու Հայաստանի ողջ ժողովրդին բաշխեց իր օրհնությունները:

Նույն օրը, ժամը 15-ին, Վեհարանի հայրապետական սեղանատանը տրվեց պաշտոնական ճաշկերույթ՝ ի պատիվ օրվա հյուրերի:

Մայիսի 15-ին, երկուշաբթի օրը, առավոտյան ժամը 10-ին, երկու Հայրապետները, իրենց շրախմբի անդամներով, Ծիծեռնակաբերդում այցելեցին Հայ նահատակաց հուշարձան, ուր ծաղկեպսակներ գետեղեցին և Հոգվոց արտասանեցին հայ նահատակաց հոգիների համար:

Ժամը 11-ին երկու Հայրապետները այցելեցին Երևանի ս. Սարգիս առաջնորդանիստ եկեղեցի:

Ժամը 13-ին Նորին Արքեպիսկոպոս Ս. Ս. Վազգեն Ա Ամենայն Հայոց կաթողիկոսին և Համայն Վրաստանի Պատրիարք-կաթողիկոս, Նորին Արքեպիսկոպոս Ս. Իլիա Երկրորդին, հանուն Հայաստանի կառավարության, բնդունեց ՀԱՍՀ Գերագույն սովետի նախագահության նախագահի տեղակալ Հովհաննես Բաղդասարյանը և բարի գալուստ մաղթեց նրանց:

Երկու Հայրապետների և Հայաստանի կառավարության ներկայացուցչի միջև տեղի ունեցավ բարեկամական ջերմ գրույց:

Նույն օրը, ժամը 15-ին, Սևանի «Աղթամար» հյուրանոցում, ի պատիվ Մայր Աթոռի հյուրերի, տրվեց ողջերթի ճաշկերույթ:

Մայիսի 16-ին, երեքշաբթի օրը, առավոտյան ժամը 10-ին, Վեհարանում տեղի ունեցավ երկու Հայրապետների վերջին հանդիպումը: Եղբայրական վրաց ժողովրդի բարձրաստիճան ներկայացուցիչները հրաժեշտ տվեցին Հայոց Հայրապետին և Մայր Աթոռին ու մեկնեցին անմոռաց տպավորություններով:

Մայիսի 12—16 օրերին Համայն Վրաստանի Պատրիարք-կաթողիկոս Իլիա Երկրորդի պատմական այցելությունը Մայր Աթոռ և երկու քույր եկեղեցիների Պետերի հանդիպումներն ու գրույցները հանդիսացան պայծառ վկայությունը հայ և վրաց եկեղեցիների և ժողովուրդների դարավոր բարեկամության, քրիստոնեական եղբայրական սիրտ և սրտագին համագործակցության:

ԴԻՎԱՆ ՄԱՅՐ ԱԹՈՐԻ

Ս. Էջմիածին,
16 մայիսի 1978 թ.





ԵՐԿՈՒ ՀԱՅՐԱՊԵՏՆԵՐԸ ՎԵՀԱՐԱՆԻ ԱՌԱՋ